

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-19-20928/21  
Sarajevo, 21.01.2022. godine

Na osnovu člana člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi

## ODLUKU O PONIŠTENJU POSTUPKA JAVNE NABAVKE

### I

Prihvata se preporuka Komisije za javnu nabavku radova i poništava se postupak javne nabavke – „Izvođenje radova na izradi i obnovi saobraćajne signalizacije na području Općine Novi Grad Sarajevo“, broj obavještenja 422-1-3-199-3-175/21, objavljeno na Portalu javnih nabavki dana 04.11.2021.godine i u „Službenom glasniku BiH - Oglasnik javne nabavke“, br.69/21 od 12.11.2021.godine, Ispravka za obavještenje o nabavci broj 422-1-3-199-8-196/21 od 29.11.2021.godine, obzirom da nijedna od zaprimljenih ponuda nije prihvatljiva.

### II

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

### Obrazloženje

Odlukom broj 02/12-19-20928/21 od 01.11.2021. godine Općina Novi Grad Sarajevo pokrenula je otvoreni postupak javne nabavke – „Izvođenje radova na izradi i obnovi saobraćajne signalizacije na području Općine Novi Grad Sarajevo“, broj obavještenja 422-1-3-199-3-175/21, objavljeno na Portalu javnih nabavki dana 04.11.2021.godine i u „Službenom glasniku BiH - Oglasnik javne nabavke“, br.69/21 od 12.11.2021.godine, Ispravka za obavještenje o nabavci broj 422-1-3-199-8-196/21 od 29.11.2021.godine.

Zapisnikom o otvaranju ponuda od 09.12.2021. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača:

1. „Buljan ceste“ d.o.o. Kreševo
2. „Sacom“ d.o.o. Sarajevo

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Buljan ceste“ d.o.o. Kreševo ne ispunjava kvalifikacioni uslov tražen u tenderskoj dokumentaciji iz tačke 3.4.1. (3) tehnička i profesionalna sposobnost – da je ponuđač opremljen potrebnom opremom i mehanizacijom, a tačkom 3.4.2. (4) propisano je da se navedeno dokazuje na sljedeći način: kao dokaz o obezbijedenosti opreme dostavlja se izvod iz knjige osnovnih sredstava ili ugovor o iznajmljivanju opreme, za kamion se dostavlja važeća saobraćajna dozvola (original ili ovjerena kopija), za radne mašine važeću saobraćajnu ili upotrebnu dozvolu (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti i zapisnik koji to dokazuje.

Uvidom u dostavljenu ponudu ponuđača „Buljan ceste“ d.o.o. Kreševo konstatovano je da ponuđač kao dokaz da je opremljen potrebnom opremom i mehanizacijom za mašinu za izradu horizontalne signalizacije bojom za puteve za uzdužne i poprečne oznake na strani 46.ponude dostavio upotrebnu dozvolu broj 03-03/20-XX za Stroj za horizontalnu signalizaciju, međutim ponuđač nije dostavio zapisnik uz upotrebnu dozvolu koji dokazuje tražene karakteristike jer iz upotrebne dozvole nisu vidljive radne mogućnosti mašine koje se odnose na ocrtavanje uzdužnih i

poprečnih oznaka. Nadalje ponuđač je na strani broj 44.ponude kao dokaz o posjedovanju mašine za izradu horizontalne signalizacije debeloslojnim hladnom plastikom za uzdužne i poprečne oznake dostavio Upotrebnu dozvolu broj 01-05/21-XXIV, takođe nedostaje zapisnik uz upotrebnu dozvolu koji dokazuje tražene karakteristike, te Komisija nije mogla zaključiti da li mašina za koju je dostavljena upotrebna dozvola ispunjava karakteristike tražene navedenom tačkom tenderske dokumentacije.

Iz naprijed navedenih razloga utvrđeno je da ponuđač „Buljan ceste“ d.o.o. Kreševo ne ispunjava uslove tražene u tenderskoj dokumentaciji iz tački 3.4.1. (3) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostale ponude, te utvrdila da ponuda ponuđača „Sacom“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude te konstatovala računsku grešku u obrascu za ponudu (Aneksa 2) i obrascu za cijenu ponude (Aneks 3) tenderske dokumentacije. Navedene greške su se odrazile na to da ukupno ponuđena cijena za ugovor u Aneksu 2 i Aneksu 3 ponude treba da iznosi: 85.069,95 KM bez PDV-a, iznos PDV-a treba da iznosi 14.461,89 KM, tako da ukupna cijena za okvirni sporazum treba da iznosi 99.531,84 KM sa PDV-om.

Komisija je dana 05.01.2022.godine uputila ponuđaču obavještenje o ispravci računске greške, uz napomenu da je traženu saglasnost potrebno dostaviti do petka tj. 07.01.2022.godine. Ponuđač nije u ostavljenom roku pisanim putem prihvatio ispravku računске greške te je Komisija ponudu odbacila u skladu sa odredbom člana 68.stav (4) tačka g) Zakona o javnim nabavkama.

Iz naprijed navedenih razloga ponuda „Sacom“ d.o.o. Sarajevo je odbačena shodno članu 68. stav (4) tačka g) Zakona o javnim nabavkama,

Imajući u vidu da je Komisija u cijelosti pravilno provela postupak i da je kvalifikovanost ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije o poništenju postupka javne nabavke, te je shodno odredbama člana 69. stav (2) tačka d) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

